

Uunga siunnersuut: Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaata allannortinneqarnera pillugu Inatsisartut inatsisaat nr. xx ulloq xx. xxx 2017-imeersoq

(Annikitsunik taarsigassarsititsisarnermik aqqissuussineq)

(Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoq)

Saqqummiussissut

(Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoq)

Siullermeerneqarnera

Siunnersuummi siunertaavoq Inatsisartut aalajangiiffigisaata UKA2016/48-p malinneqarnissaa, tassani allassimalluni Naalakkersuisut ukiuni sisamani misileraanermut aqqissuussineq pillugu inatsisissatut siunnersuummik saqqummiussissasut, tassani aallarnisaasunut aamma entreprenøriaqqanut, nalinginnaasumik aningaaserivinni periaatsit atorlugit tapersiivigineqarsinnaanngitsunut, annikitsunik taarsigassarsititsinissaq neqeroorutigineqartassalluni.

Ilaatigut aalajangiinermi allassimavoq, taarsigassarsiarititat 20.000 kr. aamma 100.000 kr. akornanni annikitsumik annertussuseqassasut.

Annikitsunik taarsigassarsititsisarnermut aqqissuussineq ujartorneqartoq nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaat nr. 20, 3. december 2012-imeersumut allannguutissatut ingerlanneqassasoq siunnersuummi siunnerfigineqarpoq, tassami Inatsisartut inatsisaat taanna tassaavoq Kalaallit Nunaanni inuussutissarsiornermi ineriartortitsinerup nukittorsarneqarnissaanut tapersiisarneq pillugu aqqissuussinernut utertitsisarnermik aallaaveqartunut atuuttunut, killissaliisuusoq.

Annikitsunik taarsigassarsititsisarnermut aqqissuussinerup allaffissornikkut aqunneqarnera ingerlatseqatigiiffimmit allaffissornikkut aqutsisussamit isumagineqarsinnaassasoq pillugu aalajangersakkamik siunnersuut imaqarpoq. Tamatuma saniatigut aamma erseqqissarneqartariaqarpoq, kommunit aqqissuussinermut

tapersiinnaasussaammata. Kommunit peqataanerannut atugassarititaasut aalajangersimasut, Namminersorlutik Oqartussat aamma kommunit ataasiakkaat akornanni isumaqatigiissutini aalajangersarneqassapput.

Aaqqissuussinermut siunertaavoq aallarnisaasuaqqanut aningasalersuinissamut periarfissaqarnerup ajornannginnerulersinnissaa, taamaattumillu qularnaveeqqusiinissaq pillugu piumasaqaateqartoqanngilaq. Akiitsorsinnaassuseqarnerup nalilersorneqarnera sukanninnginnerusussaavoq, kisianni neriulluarnartumik niuernerme tunngavissamik saqqummiisoqassaaq.

Naalackersuisut taamatut oqaaseqarlutik siunnersuut Inatsisartuni piumassuseqartumik suliassanngortippaat.